

# Reglement deelname Liedjesavond 2025

## Vastelaovesgezelschap 'de Wortelepin'



### 1. Belangrieke data

- Sloetingsdatum, -tijd inschrijving, **vriedaag 1 augustus 2025 um 11:11 oor**  
Inlevere bestande via 'Wetransfer' ([www.wetransfer.com](http://www.wetransfer.com)), of e-mail uterlik  
**Vriedaag 1 augustus 2025 um 11:11 oor**
- Rippetitie veurseleksie, **donderdag 28 augustus 2025**
- Veurseleksie, **maondaag 1 september 2025**
- Generale rippetitie Liedjesavond, **zaoterdaag 27 september 2025 – tied volg nog**
- Liedjesavond: **Zaoterdaag 27 september 2025**

### Óg tekste en meziek kint geej insteure

- via e-mail nao: [liedjes@wortelepin.nl](mailto:liedjes@wortelepin.nl)
- 'Wetransfer' ([www.wetransfer.com](http://www.wetransfer.com))

### 2. Inzende van de liedjes, algemeen

1. Insteure, met inachtneming van de sloetingsdatum, van alle benuuedighede - teks, en -opname van 't liedje, kinne via e-mail ([liedjes@wortelepin.nl](mailto:liedjes@wortelepin.nl)) of via 'Wetransfer' ([www.wetransfer.com](http://www.wetransfer.com)) ingesteurd waere;
2. D'n oproop veur de liedjes, danwal de sloetingstermien zal in 'n plaatselik daag- of waekblaad en via de mediakanale van VG 'de Wortelepin' bekint waere gemak;
3. De sloetingsdatum. -tijd is d'n aangegaeve daag um 11:11 oor;
4. Alle inzenders kriege berich van óntvangs van eur inzending(e). De informatie euver de veurselektie en oefensessies volgt tiedig;
5. Mocht geej taeye de verwachting in binne 2 werkdaag nao inzending gen reactie hebbe ontvange, verzeuke weeje óg dit door middel van allein 'n tekst e-mail aan [liedjes@wortelepin.nl](mailto:liedjes@wortelepin.nl) mei te deile;
6. Ein liedje mót origineel zien van teks en meziek én meug neet ierder aan ein of andere equivalente kompetitie hebbe meigedaon;
7. Tekste dene te waere ingedeend in algemeen beschaaf Bliëricks. As tekste of deile heejvan neet korrek zien naor meining van VG 'de Wortelepin', dan zulle de inzenders heejvan op de huuegte waere gebrach en in de gelaegeheid waere gesteld um de teks zoeë meugelik aan te passe.



### 3. De inzending deent te bestaon oet:

- **Teks** in 'n 'Word bestand';
- 'n Opname bestaonde oet **WAV** of **MP3** bestand, in eige behier opgenaome (\*), waarop 't liedje steit in de volgende versies:
  - **Volledige versie (Instrumentaal)**
  - **De verkorte versie (Instrumentaal)**
- Midifile van de orkesband. (optioneel);
- Wannier d'r gen midifile meigeleverd is, wuurt 'n zoë good meugelik klinkend arrangement gemak, raekening haldend met de orkesband.

(\*) *Moch geej probleme hebbe met 't in eige behier make van de opname of met 't arrangement, dan wille weeë óch gaer de helpende hand beje. Dit kint geej kinbaar make via 't e-mailadres [liedjes@wortelevin.nl](mailto:liedjes@wortelevin.nl).*

#### **Veur de verkorte versie gelde de volgende twië meugelikhede:**

1. 't Liedje begint nao de intro met 't refrein.  
De verkorte versie wuurt dan: refrein – kouplet – refrein – eventueel brök / modulatie – refrein;
2. 't Liedje begint nao de intro met 't kouplet.  
De verkorte versie wuurt dan: kouplet – refrein – eventueel brök / modulatie – refrein

Op *meziekbestand* en *tekspepeer* meuge GEN name vermeld staon. Óg inschrijving per e-mail wuurt as *aanmeldingsformulier* beschouwd. In de e-mail deent dudelik te waere aangegaeve boéte de titel:

- a. Naam, til.nr., adres en e-mail van de komponis;
- b. Naam, til.nr., adres en e-mail van tekstdichter;
- c. Naam, til.nr., adres en e-mail van de leadzanger/kóntakpersoën (\*).

**Let op:** As d'r 'nne groep zingk, dan gaer van de euverige zangers allein de naam en 't email van dees groepsleje.

(\*) kóntakpersoën geldt veur ós as iërste aanspraakpunt.

### 4. Veurschriif ten aanzien van 't liedje

1. As 'n liedje gekaoze is um door te gaon nao de Liedjesaovend, dan meug dit neet mier tekstueel of instrumentaal gewiezig waere. De inzending is dan zoëdanig bindend in 't gehiële vervolgtrajek;
2. T.a.v. de lingkte van 't liedje geldt de beperking det max. 3 koeplette en 1 refrein gezónge meuge waere, waarbeej VG de Wortelepin zich 't rech veurbehold um, i.v.m. de samestelling van de geluidsdrager, 1 koeplet te laote vervalle.



## 5. Veurschrif t.a.v. tekstdichter en/of komponis

1. 'nne Tekstdichter(es) en/of komponis meug met 'n ongelimiteerd aantal inzendinge aan de veurselektie meidoon;
2. De liedjes meuge allein ónder eige naam van tekstdichter en komponis waere ingedeend, dae is bindend.

## 6. Veurschrif t.a.v. zanger/oetveurende

1. De zanger meug maximaal 3 kiër as oetveurende aan de veurselektie meidoon;
2. De minimum laeftiëd veur deilname is 16 jaor;
3. De veur 'n liedje opgegaeve naam van de oetveurende persoën is bindend (\*);
4. Liedjes kinne door maximaal 6 persoeëne waere geprissenteeerd, waarbeej eventueel óndersteuning van 'n koer is toegestaan, nao oetdrökkelike toestumming van VG 'de Wortelepin' (beej inschrieving danwal veuraaf permissie aanvraoge via 'n e-mail aan [liedjes@wortelepin.nl](mailto:liedjes@wortelepin.nl)).

(\*) *Allein beej euvermach kint ein wiezigingsverzeuk ingedeend waere, waarbeej 'VG de Wortelepin' de maote van euvermach bepaolt en of 't wuurt gehonoreerd.*

## 7. Veurselektie, algemeen

1. Veuraafgaond aan de veurselektie zal 'n rippetitie-aovend gehalde waere;
2. Toegang tot de rippetitie -aovend en veurselektie hebbe allein de tekstdichter, komponis en oetveurende. Vaerder de vakjury, technicus (aangesteld door VG 'de Wortelepin'), de arrangeur, 't bestuur en leje van VG 'de Wortelepin' die vanoet eur taak daorveur zien aangeweze;
3. De volgorde van de liedjes op de veurselektie zal door VG 'de Wortelepin' waere bepaold. Discussie heejeuver is neet meugelik;
4. De liedjes zulle 2 x waere gezónge, waarbeej in de 2e rónde 'n verkorte versie;
5. Oet alle vertolkte liedjes waere d'r 11 liedjes gekaoze door 'n stumgerechtigde vakjury, die oet 7 persoeëne besteit. De 7-koppige jury is door VG 'de Wortelepin' samegesteld;
6. Nao d'n oetslaag zal door loeting de volgorde van optraeje op de Liedjesaovend waere vasgesteld, waarbeej VG 'de Wortelepin' zich 't rech veurbeheld um de volgorde te verandere, as dit 'n baeter verloup van de Liedjesaovend tot gevolg zal hebbe.

## 8. Liedjesaovend 2025

Tiedes de Liedjesaovend 2025 wuurt gebroek gemak van de door VG 'de Wortelepin' geaccordeerde geluudsbande. Deze waere uterlik ein waek veuraafgaond aan de Liedjesaovend beschikbaar gesteld / vreejgegaeve. VG 'de Wortelepin' pretendeert geliekwaardige geluudsbande. Ouk de in eige beheer gemaakte opnames kinne heejeuver in aanmerking komme, mits deze voldoon aan de gestelde norm.V.G. 'de Wortelepin' stelt 'n eige arrageur aan



moch de geluudsband neet toereikend zien.

1. De Liedjesaovend zal plaatsvinde op 'n door VG 'de Wortelepin' te bepaole datum en tiedstip;
2. De liedjes waere gezónge (wie op de veurselektie) in 2 róndes. Waobeej in de 2e rónde de verkorte versie, wuurt oëtgeveurd;
3. Alle deilnemers verplichte zich beej eur optraeje te verschiene in gepaste, gen aanstoetgaevende kleiding. Spijker- of vrejetiedskleier waere as óngepas beschouwd;
4. Beïnvloeding van vakjury en/of publiek door middel van kleiding, attribute, in welke vorm dan ook, is neet toegestaon;
5. De indoetslaag zal tot stand kómme op basis van de jury-beoordeling(e) (\*);
6. 't Oetgebrachte puntetotaal van de jury(s) zal nao telling aan 't publiek kinbaar gemak waere;
7. Zoeë kómme weeë tot de 4 winnende liedjes met de nummers 1, 2, 3 en 4, die dan ook zoeëdanig waere oetgebrach. Taeves waere de plaatsnummers 5 t/m 11 bekind gemak.

(\*) *Veuraafgaond aan de Liedjesaovend zal aan de kontakpersoeën waere meigedeild wie de jurering definitief zal plaatsvinde.*

## 9. Verplichtinge van de winnaers (Liedje 1 t/m 4)

1. Alle winnaers (1 t/m 4) verplichte zich alle door 'VG de Wortelepin' georganiseerde evenemente van 't betreffende vastelaovesseizoen 2025/2026 op te luustere, veur zoëvaer 'VG de Wortelepin' det nuuëdig ach. Te raekene is met (o.v.b.):
  - Inschete
  - Debuut
  - Swaree
  - Zonnedaag
  - Gaejerprissentatie
  - Dames- en Hierezitting
  - Senioren zitting
  - KinderFemilieZitting
  - Receptiezóndaag
  - Groët Gala Worteletruuj (allein liedje 1)
  - Vastelaoveszóndaag
  - Rouse in 't Raodhoes (Vastelaovesmaondaag)
  - Vastelaovesdinsdaag
2. Alle winnaers verplichte zich tied te risservere um alle rippetities beej te woëne, die nuuëdig zien veur 'n good verloup van eur optraeje;
3. Alle winnaers verplichte zich beej eur optraeje te verschiene in gepaste, gen aanstoetgaevende kleiding. Spijker- of vrejetiëdskleier waere as óngepas beschouwd.



Op 't Swaree en 't Groët Gala Worteletruuj waere de hiere geach in smoking en de dames in aovendkleiding te verschiene;

4. Liedje 1 t/m 4 waere waere opgenaome beej Marlstone Studio in Ulestraten. De Rechte van 't liedje zien van 'VG de Wortelepin';
5. De opgenaome nummers meuge door Marlstone Studio geplaats waere op eur jaarlikse cd "Vastelovend van Eijsde tot de Mookerhei". VG 'de Wortelepin' haet gen invloed op de plaatsing;
6. Door inzending van 'n liedje en door deilneming aan veurselektie en/of Liedjesaovend, gaon de deilnemers akkoord met de veurwaardes, gesteld in dit reglement.

## 10. Algemein

**VG 'de Wortelepin' helt zich 't rech veurbehalde de opzet van de Liedjesaovend 2024 te wijzige mocht dit door umstandighede noedzakelik geach waere.**

In zake waarin dit reglement neet veurzuut, beslist de Organisatie Kemissie van 'VG de Wortelepin'.

Heb geej vraoge, hetzij euver meugelikhede, ondudelikhede of andere zake, dan kint geej kóntak opneme met Sandy Verstegen, til.nr. 06-48160148 of e-mail: [liedjes@wortelepin.nl](mailto:liedjes@wortelepin.nl).

